

PREMIO SPECIALE «TONINO LEDDA» - Rotary Club Ozieri

SA BRIGA

Non nde cheret s'intesa
sa pinna mia, muda
già timinde sas umbras serentinas
e isfadosas frinas
chi, a sa carre nuda
de s'anima, nd'ischidan ogni ofesa.

“Ite cheres ch'iscria”
Paret nende aghejada,
“Solu fastizos tue mi presentas
e ogni pena assentas
nendemi ch'est passada
e cheres chi la ponza in poesia.

Poi, luego atrogas
chi sun isfidiadas,
bias e fortes custas penas tuas,
chi mudu-mudu cuas
manch'esseran furadas,
e fritas, a disora nde las bogas.

Cantas notes izende
tue e deo a sa sola
sepre in briga pro rimas e pidinos,
istracos, che runzinos
giobados in sa mola:
su chilciu chen”essida sempre
andende”.

A ite a bi brigare,
mancan fortzas e briu
e issa tenet tota sa rejone,
ma est pro passione
e ca m'intendo 'iu
chi sigo in custu iscriere e pensare.

Como la lasso in pasu
tantu non nd'ogo atzola,
chi drommat issa e deo m'asselene,
nos at a fagher bene:
deo solu, issa sola
ma sempre umpare finas a s'ocasu.

Franco Piga | ROMANA